

خزینہٴ اوراق

تاریخ تاسیس
۱ مایس سنہ ۱۳۹۷

جمعہ ابرتسی

نمبر
۱۲

عمومیتی اعتباریله فنونه دائر رسالهٴ ادیبه در

آیده درت کره اوله رق جمعہ ابرتسی کونلری چیقار

قدمای ملوک مصریه تاریخندن مابعد - نهایت

فقط ضابط مذکور تنک طاورانهرق خنچری قلیو پاترک یدندن
اخذ ایدوب اوقتاو ک حسن معامله ایده جکسی تعهد ایتمسیله
مومی الیهایی بر درجه یه قدر اقناع ایلدی و یونک اوزرینه بره
سرمش اولان انطوانک تکفین و تدفینی کندی طرفندن ایضا
اولنشنه رخصت التماس ایتمسیله بالاستیزان مساعده اولندی
مومی الیه انطوانک جنازه سنه فوق العاده احترام و تعظیفات
اجرا ایلایوب روما حکمدار لرینک سابقلری تربلرینه دفن
ایلمشیدی بوندن بر قچکون صکره اوقتاو قرانیجهٴ مومی الیهانک
نزدینه کلده کده قلیو پاترک کوزلری یاش ایله ملو و صاحب لری
قاریشق و طاغنیق و صدری بتون یاره نمش اولدینی و یک سو نجل
بر هیئتمده بولندینی حالد مومی الیهک ایاغتمه قپاندقده جمالی
و طور و حرکتی فوق العاده شیرین و حزین اولمقله اوقتاو پدری
سزار ایله انطوانک حال لرینی در خاطر ایتمسه نفسنک ضبطنه
کوچ حال موفق اولدمیه جقدی بولندقلری محک هر طرفنده

سزارك تصوير لری منقوش اولدیغندن بور رسملری مومی الیها حالبو که
اوقتاوه کندوسی ارانه ایدر دردیکه سزك دولتکرو بنم قرالیم بو ذاتک
اثر سایه سیدر و اوصره ده وقونیندن برطور ناز کانه ایله کوزل حفظ
اولمش اوراق چیقارارق اوقتاوه اعطا ایلدی بو کاغذر صا -
حبران مشارالیه حین حیاتنده دایما کندوسی حایه ایده جکئی
و محبتک دوامی تأمینسه دآر مومی الیهایه تحریر ایلدی
مکتوبلر ایدی اوقتاوه بونلری اوقودینی صره ده تأثیرینی افهام
ایتمک ایچون مومی الیها برچوق مداهنه و تلطیفلرده بولوردی
لکن حیاتی جهته اوقتاوه هرشیدن اول حکومت
و حکمدارلغی تفکر ایلدیکندن مومی الیهانک بو سوزلینه الدانموب
و اصلا برشی وعد ایتموب یالکز تسلیم بخش درون
اوله حق سوزلره همان مومی الیهانک یاندن چقمقه و انحق
بو صورته کندینی ضبط ایتمکه مقتدر اوله بیلدی بوندنصره
مومی الیها ارتق حالتندن قطع امید ایدوب قرالقدن خلع ایله
رومایه کتوریلوب مومی الیه اوقتاوک موکب الاینده بولند -
یریه جفندن شبهه سی قالدی و یک عظمتی و حسن و آینه مغروره
و متکبره اولغله اصلا افکارینی بیان ایتموب کندوسی
حالتندن خوشنود کوسترمه سعی ایلر و بو جله دن
اوله رق مومی الیهک زوجہ سی لیوی ایله همشیره سی اوقتاوی به
ذقیمت هدایا تقدیم ایدرک رومایه کتدکه مومی الیهانک
حایه لرینه صیغینه جغنی افاده ده بولنورایدی برکون انطوانک
مزارینی زیارت ایتمک رخصتی بالاستحصال اورایه کیدوب
مذکور مزاری کونا کون چیچکلر ایله تزین ایلدکنصره
سراینه هودت ابتدی و همان جامه کیروب چیققدنصره

اطعمه لذیذه دن مرکب فوق العاده دوانمش بر صفره
 اوطوروب نشدلی بر حزن ایله بدی ایجیدی و آزاده سراولدیغی
 و شیشه شرابه عطف نظر تبسم دن حالی اولمیدیغی بر زمانده
 اوقتاوه بر مکتوب یازدی بعده یتاغسه کیردی اولجده وقوع
 بولان تعلیماتی موججه آدم لر دن بری رنجبر هیئته کوروب
 کیسه کور مکسزین حضورینه کلدی اعیرج تعبیر اولنان زهری
 غایت قوتلو بر یلانی بر اینجیر سیتی داخلنده اولدیغی حالده
 مرقوم النده طوتمقده ایدی قلیو پاتر اینجیردن اکل ایتمک
 بهانه سیله کویا کندی کندیغی اغفال ایدورمش و یا بو
 شیدن خبری یوغش کبی او نازک قولی مذکور سبتک درونته
 وضع ایتدیگی انده او خنزیر ییلان قلیو پاتر کوزل و بیاض تخی جان
 خوفیه صوقدقده قلیو پاتر در حال تسلیم جان ایلدی حالبوکه
 دیگر خدمتچیلری او یخسوده ظن ایدوب مدت مدیده
 قالمیدیغی کورد کلرنده یواش یواش صوقیلوب ییلانک صوقدیغی
 وزهرک وجودینه تأثیریه تلف اولدیغی کوردیلر افاده
 اولمیدیغی وجهله مومی الیها اوقتاوه تحریر ایلدیگی مکتوبده
 حکمدارلره لایق بر صورتده ابراز حیت ایتمش و چونکه کندی
 حکمدارلق ایتمکله بر دیگرکی موکبدده یورومک تحقیرینی و کندی
 کبی برینه اسیر اولق ملامتنی تحمله عدم اقتداری جهتیه
 کندو کندوسنی قتل ایده جکنی کمال ناموس و شرفله خبرورمش
 وفی الواقع موججه حرکت ایتمش ایدی قلیو پاتر ذیل مکتوبده جسدینک
 انطوائک مزارنده مومی الیهک جسدی یاننده دفن اولمسنی
 اوقتاودن استرحام ایلدیکندن مومی الیه مکتوب مذکور
 قرائت ایلدکده شو حال کیم ییلور حکمدار جدیدنه کبی مطالعه لر تولید

ایدرك در حال قرالچیدی بو قصدینك اجراسندن منع ائلك
اوزره طرفنه آدم لر قوشدیرمش ایسدهده وقتيله يتشمیدرك
تیراینه کلدکرنده قلیو پاترك انجق جسدینی بولمشرایدی موی الیه
حین وفاتسده سنی اوتوز طقوز اولوب مدت قرالیتی یکر می
ایکی سنهده قریب اولمشیدی اشبو قلیو پاتر ملوک مصرک اک
نهایتی اولوب حساب تاریخی ایله میلاد دن اوتوز سنه اول
وفات ائتمش و اوقتاو مصر اولکده سنی روما اقلیمسه ضمیمه
اوشیدی حضرت عمر رضی الله تعالی عنه حضرتلرینک زمان
نصرت اقترانلرینه دکین بر والی معرفتيله اداره اولمشدر
خليفة مشارالیه حضرتلری طرفندن استیلا اولندقدن سکر
یوز سکسان سنه صکره سلطان سلیم طرفندن تسخیر
اولندیغی کبی الی یومنا هذا دولت علیه عثمانیه مربوطدر
حق تعالی حضرتلری تمامیت ملک واستقلالیت ملت اسلامیدی
الی آخر الدوران بر دوام ایلیسه امین مصرده سلطنت
بطالنه ایکوز طقسان اوج سنه تمتد اولمشدر .

ابتداء ولادتدن حین فطامه دکین اطفالک طبیعی نشو
ونماسنی دو قنور (ره نه پلاش) تجربه و مشاهده ایلمش
اولدیغی حاوی (هانری دو یاردو بلین) طرفندن ۱۸۸۰
سنه میلادیه سی ایلولنسک اون النجی نومرولی حفظ
الصحه غزته سنه ویریلان مقاله در

اطفالک طبیعی نشو ونماسی ایچون والده سی ایله فامیلیاسی